



Mae trafniadaeth yn un o'r materion hynny sy'n destun pryder cyson. Mae pobl a chymunedau lleol yn bryderus dros ben ynglŷn ag effaith ymwelwyr a'u ceir ar ansawdd eu bywydau. Mae eraill yn poeni am yr effaith ar yr amgylchedd byd-eang. Mae llawer yn cadw draw oherwydd nad oes ganddynt gar.

Ni all Awdurdod y Parc Cenedlaethol ddatrys yr holl broblemau bob amser ond mae ganddo ran i'w chwarae, a cheisia ragweld a datrys problemau.

- Mae Bws y Bannau yn dod â phobl o 6 ardal drefol i'r Parc ar Suliau'r haf a Gwylliau Banc. Trwy'r orsaf fysiau yn Aberhonddu, gall pobl gyrraedd cefn gwlad ac atyniadau o bob math. Mae llyfryn am lwybrau cerdded Bws y Bannau ar gael nawr, yn rhad ac am ddim.
- Mae Bws Clawdd Offa yn cyfarfod â Bws y Bannau yn y Gelli Gandryll, ac yna â ar hyd Cwm Llanddewi Nant Hodni, gan ddychwelyd ochr draw i'r mynyddoedd yn Lloegr. Mae cerdded ar hyd llwybr Clawdd Offa yn hawdd os gallwch ddal y bws yn ôl o'r dafarn.
- Er mwyn cael syniad sut i fwynhau'r Parc heb gar, mae Canllaw Teithio Cyhoeddus y Parc Cenedlaethol ar gael nawr.

# Ardal Twf Twristiaeth

Mae Bwrdd Croeso Cymru wedi enwi Bannau Brycheiniog yn Ardal Twf Twristiaeth, ac yn sgîl hyn mae £500,000 wedi ei glustnodi ar gyfer prosiectau cyfalaf. Mae'r gronfa i'w defnyddio gan ddarparwyr gweithgareddau a busnesau twristiaeth.



## Felly pwy all wneud cais am y gronfa hon? UNRHYW UN!

- Darparwyr Gweithgareddau sy'n darparu neu a fydd yn darparu gweithgareddau Beicio, Marchogaeth, Cerdded neu Bysgota ac sydd am wella ansawdd neu gynyddu niferoedd.
- Darparwyr llety sydd am wella ansawdd neu uwchraddio er mwyn cyrraedd safon 3 seren neu uwch Bwrdd Croeso Cymru.
- Busnesau Arlwygo sy'n gwella ansawdd neu gynyddu niferoedd, yn enwedig os yw'n ymwneud â thwristiaeth gweithgareddau.

Costau sy'n gymwys yw: gwaith adeiladu, gosodion a ffitiadau, gwaith tirweddu, ffioedd proffesiynol, offer ac arwyddion. Isafswm costau prosiectau cymwys yw £10,000, uchafswm cost £300,000.

Dim ond 15 ardal yng Nghymru sydd wedi eu nodi'n Ardaloedd Twf Twristiaeth. Gyda'r pwyslais ar Fannau Brycheiniog a'r gweithgareddau gwych sy'n denu twristiaid i wario'u hamser hamdden yma, tybed a allwn ni eu siomi ar yr ochr orau! Mae cyfres o gyfarfodydd wedi eu trefnu yn yr hydref i fusnesau sydd am ddysgu rhagor neu drafod unrhyw syniadau eraill.

Cynhelir y cyntaf o'r cyfarfodydd hyn ddydd Gwener 17 Hydref yn swyddfeydd Awdurdod Parc Cenedlaethol Bannau Brycheiniog, am 11am. Amgawen wahoddiad yn y cylchlythyr hwn a gobeithiwn eich gweld yn un o'r cyfarfodydd.

Os ydych am drafod ymhellach unrhyw syniad sydd gennych ynglŷn â'ch busnes, ffoniwch Carol Williams ar 01874 620478.

## Bwrdd Croeso Cymru - Seminar Marchogaeth

### Dydd Mawrth 30 Medi

Gwahoddir pob un sy'n ymwneud â Marchogaeth a thwristiaeth i seminar undydd ar faes Sioe Frenhinol Cymru yn Llanellwedd ddydd Mawrth 30 Medi 2003.



Bydd marchnata yn cael ei drafod a'i

archwilio i ddarganfod y ffordd orau o farchnata i ymwelwyr posib.

helen.potts@tourism.wales.gov.uk

## Partneriaeth

Partneriaeth yw'r gair sydd ar wefusau pawb ar y funud ac mae'n air pwysig mewn ardal fel hon.

Mae Partneriaeth Dwristiaeth Strategol Bannau Brycheiniog yn cynnwys pob un sy'n ymwneud â thwristiaeth fel Awdurdodau Unedol, Partneriaethau Twristiaeth Rhanbarthol a Chymdeithasau Twristiaeth. Mae gennym nod cyffredin ac mae'n bwysig ein bod yn cydweithio.

## Dyddiau Hyfforddi

Mae yna hen ddigon o gyfleoedd i gyfarfod darparwyr llety a gweithgareddau eraill yn yr hydref a'r gaeaf a dysgu rhywbeth newydd.

- Os ydych erioed wedi meddwl pam mae ymwelwyr yn dod i Fannau Brycheiniog i feicio, dewch i'r diwrnod gweithgaredd ar 4 Mawrth 2004. Gallwch archwilio rhai o'r llwybrau gyda thywyswyr profiadol a darganfod mwy am fentrau beicio newydd Bannau Brycheiniog.
- Mae Prosiect Anticipation Twristiaeth Canolbarth Cymru, mewn partneriaeth â Brecon Action, yn cynnig gweithdai Cynllunio Mewnol ac Addurno Ffenestri sy'n llawn syniadau deniadol a chyffrous.

I gael gwybod mwy am unrhyw un o'r gweithdai hyn, gweler "Dyddiadau i'r Dyddiadur" a ffoniwch y rhif ffôn perthnasol.

## Cynllun Graddio'r Bwrdd Croeso

Ydych chi am ddysgu rhagor am drefn raddio Bwrdd Croeso Cymru?

Ydych chi am wybod sut y gall graddio gynorthwyo eich busnes chi?

Os mai'r ateb i'r cwestiynau hyn yw YDW, cysylltwch â Wenda Thomas yn y Bwrdd Croeso ar (07919) 210834 neu e-bostiwrch: wenda.thomas@tourism.gov.uk am sgwrs anffurfiol neu i drefnu apwyntiad.

## Cynllun Grant Cyfalaf Twristiaeth Gymunedol Cyngor Sir Powys

Menter newydd i gefnogi prosiectau hyd at uchafswm o £10,000 i grwpiau cymunedol yn ardal Cyngor Sir Powys. Gall hyd at 75% o gyfanswm cost prosiectiau gael eu dosbarthu rhwng grwpiau cymunedol.

Felly os oes gan eich cymuned syniad am sut i wella ac ehangu twristiaeth, cysylltwch â Swyddog Cynllun Grant Cyfalaf Twristiaeth Gymunedol ar 01874 612278.

## Gwylliau Beicio

Bydd pum taith feicio newydd yn cael eu lansio'r gaeaf hwn, ar gyfer beicwyr hamdden ym Mharc Cenedlaethol Bannau Brycheiniog. Bydd pob taith yn dilyn lonydd tawel cefn gwlad ac yn amrywio rhwng 16 a 52 o filltiroedd!

Caiff llyfryn newydd ei gyhoeddi cyn bo hir i gyd-fynd â'r teithiau, a bydd yn ddelfrydol i ddarparwyr llety. Bydd Bwrdd Croeso Cymru yn hyrwyddo'r teithiau mewn cylchgronau beicio, gwnewch yn siwr fod eich busnes yn ymddangos ar y wefan; [www.visitwales.com](http://www.visitwales.com). Os nad yw, dewch i un o'r dyddiau hyfforddi am ddim neu ffoniwch 08708 300301.

## Cerdded

£550 miliwn yw gwerth cerdded i Gymru. Mae bron 50% o ymwelwyr y Parc

Cenedlaethol yn dod i gerdded.

Mae ystadegau fel hyn yn dangos pa mor bwysig yw sicrhau bod ein cynnyrch twristiaeth cerdded a'r ffordd y caiff ei farchnata

yn gywir. Yn ystod y flwyddyn nesaf, mae'n fwriad gan Awdurdod y Parc Cenedlaethol ddatblygu Strategaeth Twristiaeth Cerdded. Os ydych am gyfrannu at hyn, rhowch wybod i ni.



31 Hydref - 2 Tachwedd

Daw rhai o brif archwilwyr ac anturwyr y byd at ei gilydd i ddathlu anturio ar fynnyddoedd, afonydd, ogofâu, moroedd, anialwch a'r pegynau yng Ngŵyl Ymchwil ac Antur Aberhonddu am y tro cyntaf erioed.

Bydd yr ŵyl yn cynnwys siaradwyr gwadd rhyngwladol yn cyflwyno sgysiau, darlithoedd a ffilmiau ar rai o orchestion pennaf y byd. Bydd yna arddangosfeydd, gweithdai, chwaraeon ac adloniant.

Am fanylion pellach ffoniwch 01874 676489 neu ceuwch i [www.breconfestival.co.uk](http://www.breconfestival.co.uk)

## Beicio Mynydd

Erbyn gwanwyn 2004, y gobaith yw y bydd arwyddion wedi eu gosod ar hyd at 15 llwybr newydd ac y byddant yn cael eu hyrwyddo yn yr ardaloedd canlynol:

- Crug Hywel
- Tal-y-bont ar Wysg
- Talgarth
- Pontsenni
- Aberhonddu

Bydd y llwybrau hyn ar gyfer beicwyr mynydd dibrofiad a rhai â gallu cymedrol. Bydd pecyn llwybrau newydd a deniadol ar werth. Mae'r prosiect yn ddibynnol ar gyllid gan Adfywio – mwy yn y man!

